

das Fieber bestehen / Ist das wasser vnd blut oben / so
ist er wassersüchtig / Ist das blut roth vnd hat ein we-
nig wassers oben / so ist er wol gesund.

Ein Latwergen für die Pestilentz .

Item zum ersten nym ein Ey / brich an der spitzen
ein loch darin / vnd thu das weisse daraus so gar / als
du magst / vnd der totter sol ym Ey bleiben / nym dar-
nach vngestossen saffran / vnd thu den ynn das ey als
viel darein gehen mag / mach darnach das loch zu /
mit einer andern Eyer schalen / die sol man auff das lo-
ch legen vnd trücten / so bleibt die selb ayerschalen dar-
an hengen / leg darnach das Ey zu dem feuer / las es
langsam praten / bis die schalen gantz braun wird an
allen orten. Nym darnach dasselbige Ey / vñ zerstoß es
mit der schalen ynn einem mörser / bis man die schalen
nicht mehr komet noch sihet. Nym darnach als sch-
wer / als das selb gestossen Ey vnd saffran wigt / weis-
sen senff samen / stoß den auch klein zu mel ynn einem
mörser. Item darnach ein halbs lot weisses dyptam
Item 1. lot tormentil .i. quintlen kraen augen / die drey
soltu yedes besonder gantz klein stossen als mel / tempe-
rir die gemelten puluer alle vntereinander. Nym darna-
ch auch so schwer gut Cyriackers / als schwer die ge-
melten puluer alle sind / stoß die gemelten puluer vñ den
Cyriackers bey zweyen stunden lang nach einander od-
der lenger / bis es an dem stempfel hangt / vnd ein lat-
wergen daraus wird. Die selbigen latwergen / soltu be-
halten ynn einer büchsen / die ist gut vnd krefftig zwen-
tzig / dreissig iar lang / yhe elter yhe besser.

Also soltu die Latwergen nemen.

Nym der